

तं तिष्ठन्प्रतिमुञ्चते । असौ वाऽआदित्य एष रुक्मस्तिष्ठतीव वाऽअसावा-  
दित्योऽथो तिष्ठन्वै वीर्यवत्तर उदङ् प्राङ् तिष्ठस्तस्योक्तो बन्धुः ॥ १ ॥ दृशानो  
रुक्म उर्व्या व्यद्यौदिति । दृश्यमानो ह्येष रुक्म उर्व्या विद्योतते दुर्मर्षमायुः श्रिये  
रुचान इति दुर्मरं वाऽएतस्यायुः श्रियोऽएष रोचतेऽग्निरमृतोऽअभवद्वयोभिरिति  
सर्वैर्वाऽएष वयोभिरमृतोऽभवद्यदेनं द्यौरजनयदिति द्यौर्वाऽएतमजनयत्सुरेता  
इति सुरेता ह्येषा यस्या एष रेतः ॥ २ ॥ अथैनमिण्डाभ्यां परिगृह्णाति । नक्तो-  
षासा समनसा विद्वपे इत्यहोरात्रे वै नक्तोषासा समनसा विद्वपे धापयेते शि-  
शुमेकं समीचीऽइति यद्वै किं चाहोरात्रयोस्तेनैतमेव समीची धापयेते द्यावा-  
क्षामा रुक्मोऽअन्तर्विभातीति कुरन्नेतद्यजुर्जपतीमे वै द्यावापृथिवी द्यावाक्षामा  
तेऽएष यन्नन्तरा विभाति तस्मादेतद्धरन्यजुर्जपति देवा अग्निं धारयन्द्रविणोदा इ-  
ति परिगृह्य निदधाति प्राणा वै देवा द्रविणोदास्तऽएतमग्रऽएवमधारयंस्तेरेवै-  
नमेतद्धारयति ॥ ३ ॥ अथ शिक्वपाशं प्रतिमुञ्चते । विश्वा तूपाणि प्रतिमुञ्चते क-  
विरित्यसौ वाऽआदित्यः कविर्विश्वा तूपा शिक्वं प्रासावीद्भ्रं द्विपदे चतुष्पदऽइ-  
त्युद्यन्वाऽएष द्विपदे चतुष्पदे च भद्रं प्रसौति वि नाकमख्यत्सविता वरेण्य इति  
स्वर्गी वै लोको नाकस्तमेष उद्यन्नेवानुविपश्यत्यनु प्रयाणमुषसो विराजतीत्युषा  
वाऽअग्रे व्युहति तस्याऽएष व्युष्टिं विराजन्ननूदेति ॥ ४ ॥ अथैनमतो विकृत्या  
विकरोति । इदमेवैतद्रेतः सिक्तं विकरोति तस्माद्योनौ रेतः सिक्तं विक्रियते  
॥ ५ ॥ सुपर्णीऽसि गरुत्मानिति । वीर्यं वै सुपर्णी गरुत्मान्वीर्यमेवैनमेतदभिसं-  
स्करोति त्रिवृत्ते शिर इति त्रिवृतमस्य स्तोमं शिरः करोति गायत्रं चक्षुरिति  
गायत्रं चक्षुः करोति बृहद्द्रथन्तरे पक्षाविति बृहद्द्रथन्तरे पक्षौ करोति स्तोम  
आत्मेति स्तोममात्मानं करोति पञ्चविंशं हन्दाऽस्यङ्गानीति हन्दाऽसि वाऽए-  
तस्याङ्गानि यजूंषि नामिति यदेनमग्निरित्याचक्षते तदस्य यजूंषि नाम साम ते